

Cantu alla luna

Quannu lu suli si 'nni va
cantu alla luna
luntanu li veli sferranu
E 'u mari scura.

Isa li riti cu li pisci
oh marinaru
la notti è ancora fridda e longa
p'arriturnari.

Cunta e ricunta l'uri
la matri sula
sutta li scogghi jauti
risacca l'unna.

Dormunu i picciriddi e ghiocanu
cu l'ancili
la luci di lu faru passa e spassa
a mari.

Quannu lu suli si 'nni va
cantu alla luna
quannu lu suli si 'nni va
cantu alla luna.